



Ikamva-Ukunonophela
abantwana bethu

Isikolo seCawa 3

Isihloko sesifundo: UYosefu uyathengiswa

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi “UYosefu uyathengiswa”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa 3.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	UYosefu uyathengiswa
Isicatshulwa seBhayibhile	Genesis 37: 12-36
Injongo yesifundo	Abantwana bafunda ukuba intiyo nomona zinganeziphumo ezibi ukuba siyenza. Bafunda ukuba iNkosi ivumela izinto ezingaphaya kokuqonda kwethu ukuba zenzeke, kodwa usoloko ekufutshane nabo bathembela kuye.

Isishwankathelo sesifundo:

Isifundo sigxile kwindlela esingasoloko sikuqonda ngayo okwenzekayo ebomini bethu, kodwa sinako ukusoloko sithembeke kuThixo ngamaxesha onke.

- UYakobi wathumela uYosefu ukuba aye kuhlola ukuba abantakwabo basaphila na apho babesalusa khona kwaShekem.
- UYosefu wayenemincili kuba eza kubona abantakwabo, nangona kunjalo, xa abantakwabo bambona esekude, umona wabo nentiyo yabo yagqabhuka ngokutsha kwaye bemfanyekiswe ngumsindo baza bagqiba kwelokuba bambulale uYosefu.
- URhubhen, inkulu, kodwa yabanqanda. “Musani ukuphalaza naliphi na igazi. Mphoseni ephila equleni elingenato”. Abantakwabo bavuma. Ngokufihlakeleyo uRhubhen wayecinga ukuba uza kumhlangula uYosefu xa abanye belele.
- Ekufikeni kukaYosefu kubakhuluwa bakhe, bamhluba ingubo yakhe entsha bamphosa equleni elomileyo.
- Ngelixesha babesitya, babona iqela lamaIshmayeli lisiya eYiputa. UYuda, emva koko wathi kubantakwabo: “Masingambulali uYosefu, masimthengise kula maIshmayeli.” Bamkhupha ke uYosefu equleni, bathengisa ngaye ngeengqkembe zesilivere ezimashumi mabini.
- URhubhen wayengekho kunye nabantakwabo xa oku kusenzeka, ke xa ewayengamboni uYosefu wazikrazula iimpahla zakhe kuba ewayengenako ukumsindisa.
- Emva koko, bathabatha ingubo kaYosefu, babulala ibhokhwe bayithi nkxu ingubo yakhe egazini. Emva koko bathabatha ingubo leyo bayisa kuYakobi bamxelela ukuba uYosefu ubulewe sisilwanyana sasendle. Waba buhlungu uYakobi, wamzilela unyana wakhe ixesha elide.
- Ngelo xesha, eYiputa, uYosefu wathengiswa njengekhoboka.



Sithetha ukuthini esi sifundo kuthi namhlanje?

- Ngenxa yenzondo yabo, uchuku nomona abantakwabo uYosefu bafuna ukumbulala, kodwa uThixo wamkhusela uYosefu endaweni yoko bamthengisa kumalshmayeli.
- INkosi ayinako ukusoloko ibagcina abantwana bayo kwilishwa, kodwa iyasithuthuzela kwaye isikhusele ngexesha lokudinga.
- Izinto zazingamhambeli kakuhle kuYosefu, kodwa iNkosi yayihlala isondele kuye, nokuba uYosefu wayesoloko engakuvi kunjalo oku. INkosi yayifuna ukumkhusela nokumsikelela.
- UThixo usoloko ekunye nabo bathembele kuYe. Nokuba asinako ukumqonda ukuba kutheni izinto ezimbi zisenzeka kuthi, siyazi ukuba singasoloko sithembele kuThixo ngentuthuzelo, amandla nenkuseleko, kuba uyasithanda.

Khumbula, uThixo ufuna ukusikhusela nokusisikelela. Naxa singaziqondi iindlela zakhe singamthemba uThixo.

Eminye imibuzo esinokuyibuza:

1. Buza abantwana ukuba bebeza kuthini xa bephoswa equleni elomileyo ngabantakwabo.

Impendulo: Myeke umntwana aziphendulele

2. **Thetha nabantwana malunga nokuba umona nentiyo zinokusimfamekisa njani zisenze senze izinto ezimbi ngenxa yokuba sinomsindo. Abanye abantu bade bawele entolongweni. Kufuneka sifunde, nokuba abanye benza ntoni kuthi okanye banantoni abanye, sihlale sithandana. UThixo uyasithanda sonke kwaye unezicwangciso zokusikhusela nokusisikelela.**

3. **Buza abantwana ukuba uThixo umkhusele njani uYosefu?**

Impendulo: Sikhokela abantwana baqonde ukuba zonke ezi zinto ezenzeka kuYosefu kodwa wakhuselwa nguThixo. UThixo wabanqanda abazalwana bakhe ukuba bangambulali. Kwaye kamva siza kubona ukuba kutheni zonke ezi zinto kwakufuneka zenzekile.



Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen